

समां - 12:25 hrs.

<><><><><><><><><><><>

एह आकाशवाणी जम्मू ऐ, हुन तुस पवन वर्मा कोला खबरां सुनो:-

<><><><><><>

ISRO

अज्ज बड़लै सवेला श्री हरिकोटा दे सतीश धवन अंतरिक्ष केन्द्र थमां भारत दे पैहले-पैहले Imaging उपग्रह गी सफलता कन्ने Geosynchronous Orbit च प्रक्षेपित कीता।

इसरो नै दस्सेआ जे भलेआ अज्जै-कल्लै आहले धरतै दी निगरानी करने आहले अंतरिक्षयान EOS-05 गी सफलता कन्ने Sub Geosynchronous Orbit च प्रक्षेपित कीता गेआ।

एह उपग्रह Real Time तस्वीरां हासल करोआग ते कृषि ते आपदा प्रबंधन जनेह खेत्रें च देसै दी मदाद करोग।

<><><><><><>

PM- ISRO

प्रधानमंत्री नरेन्द्र मोदी होरें EOS-05 गी लेइयै जा'रदे GSLV-F17 रॉकेट दे सफल लॉच उपपर भारतीय अंतरिक्ष शोध संगठन इसरो गी मुबारकबाद दिती ऐ। ए भारत दा पैहला धरतै दे कन्ने अपनी स्थिति बदलने आला उपग्रह ऐ। अपने सोशल मीडिया पोस्ट च श्री

मोदी होरें इस सफल लॉच गी श्रेष्ठता- नवाचार ते अंतरिक्ष क्षेत्र च भारत दे बदधे रसूख दा नतीजा दस्सेआ। प्रधानमंत्री होरें आखेआ जे इसरो ते भारतीय उद्योगें बशकार सांझ-भ्याली मुख्ये दे अंतरिक्ष प्रोग्राम च होर ऊर्जा ते ताकत भरा'रदी ऐ ते भारत दी समर्थ गी होर अगड़ा लेइयै जा'रदी ऐ। श्री मोदी होरें इसरो दी इस उपलब्धि गी मुख्ये आस्तै गौह दस्सेआ।

इस दौरान साईस ते प्रोद्योगिकी मंत्री डाक्टर जितेन्द्र सिंह होरें बी इस सफल प्रक्षेपण दी सराहना कीती। सोशल मीडिया पोस्ट च मंत्री होरें आखेआ जे एह भारत दा पैहला Imaging Satellite ऐ- जेहड़ा तस्वीरें ते Infra Red band च उन्नत Imaging दी सुविधा उपलब्ध करोआग।

<><><><><><><><>

CASCO

कश्मीर घाटी दे बडगाम जिले दे जंगली इलाके च घेराबंदी ते तलाशी अभियान जारी ऐ। रिपोर्ट मुजब पुलवामा जिले दे पाखरपोरा थमां बडगाम जिले दे यूसर्मग आहली बक्खी संदिग्ध आतंकवादियें दे इक समूह दी आवाजाही दी सूह मिलने पर कल शामी एह अभियान शुरू कीता गेआ। अधिकारिक सूचना मताबक अभियान बारे होर जानकारी गी अजें बलगेआ जा'रदा ऐ- कीजे कारवाई आहला इलाका घनें जंगलें च स्थित ऐ ते जित्थे Cellular Phones आंगर संचार साधन कम्म नैई करदे न।

<><><><><><><><>

Janmashtmi Jammu

भगवान श्री कृष्ण दे जन्म दा त्योहार “जन्माष्टमी” ठाँगरै दा बरत पूरे भारत आला लेखा पूरे जम्मू प्रांतै च बी पूरे धार्मिक जज़्बे कन्नै मनाया जा’रदा ऐ। हट्टियां- बजार रंग - बिरंगिएं सजावट आलियें चीजें बस्तें कन्नै सजे दे न। लोक भगवान कृष्ण दियां मूर्तियां- उन्दे लेई शोआड़ सजाने दियां चीजां खरीदा’रदे न। लोक पारम्परिक लाबे- सजावट आहला समेयान- मठेआइयां ते पूजा च इस्तेमाल होने आलियां चीजां-बस्तां बी खरीदा’रदे न। इस दिन लोक बरत रक्खदे न ते मंदरें च जन्दे न। बक्ख-बक्ख ज़िला प्रशासनें ते पुलिस नै सुरक्षा दे व्यापक प्रबंध कीते दे न। थाहरें-थाहरें चेक पोस्ट बने दे न ते पुलिस गश्त चला रदी ऐ।



Prez-PM LG-CM Greetings

राष्ट्रपति द्रौपदी मुर्मू होरें ठाँगरै दे बरतै पर देसै दे नागरिकें गी शुभकामनां भेंट कीतियां न। अपने स्नेह च राष्ट्रपति होरें आखेआ जे भगवान कृष्ण हुंदे जीवन ते शिक्षाएं भारत दी सांस्कृतिक ते दार्शनिक विरासत च नमीं जान भरी ऐ।

प्रधानमंत्री नरेन्द्र मोदी होरें बी देशवासियें गी “कृष्ण जन्माष्टमी” दियां शुभकामनां भेंट कीतियां न। “एक्स” पर पोस्ट कीते गेदे अपने स्नेह च श्री मोदी होरें आखेआ जे भगवान कृष्ण हुंदियां दिव्य शिक्षां- निस्वार्थ कर्म लेई प्रेरणा दिंदियां न- जेड़ियां सदियें थमां

मानवता गी बत दस्सा'रदियां न। उ'नें मेद प्रगट कीती जे एह त्योहार सब्भनें दे जीवन च सार्थक ऊर्जा- ताकत- अमनशांति ते खुशी दा संचार करोग।

जम्मू-कश्मीर दे लैफ्टिनेंट गवर्नर मनोज सिन्हा ते मुखमंत्री उमर अब्दुल्ला होरें बी ठांगरे दे बरतें दे पवित्तर मौके पर लोकें गी शुभकामनां भेंट कीतियां न। अपने स्नेह च एल.जी सिन्हा होरें आखेआ जे भगवान कृष्ण हुंदा जीवन ते शिक्षां अपने च धर्म ते नैतिकता दी जित दा सार्वजनिक स्नेहा समेटे दे न।

मुखमंत्री उमर अब्दुल्ला होरें मेद दस्सी जे इस मौके पर जम्मू-कश्मीर दे लोकें च अमन-शांति ते भाईचारा होर तगड़ा होग।

<><><><><><>

Udhampur

उधमपुर दे डिप्टी कमीशनर मिंगा शेरपा होरें सरबंधत कार्यकारी एजेंसियें गी अमृत 2.0 तैहत उधमपुर- रामनगर ते चनैनी च पानी दी सप्लाई सरबंधी योजनाएं गी तौले अमल च आनने ते चालू करने दे निर्देश दिते न। आकाशवाणी दे उमधपुर दे संवाददाता अचिन दूबे दी रिपोर्ट मूजब कल इक बैठक दी अध्यक्षता करदे होई डी.सी. होरें इनें योजनाएं दी समीक्षा कीती। इस दरान Filtration Units ते Storage Structure दे निर्माण कन्ने जुड़ी दी प्रगति पर बी चर्चा कीती गई। डी.सी. होरें जल शक्ति मैहकमे दे Executive Engineer गी महीने-महीने दे लक्ष्य तय करने ते उन्दी नियमत निगरानी यकीनी बनाने दे निर्देश दिते।

<><><><><><>

Poonch Aadhar

पुंछ दे डिप्टी कमीशनर अशोक कुमार शर्मा होंरें कल बक्ख-बक्ख बरेसू दे बच्चें दे आधार दी स्थिति दी समीक्षा कीती। आकाशवाणी दे पुंछ दे संवाददाता अनुभव मिसरी हुंदी रिपोर्ट मुजब डी.सी होंरें 5 बरे तक्कर दी उमरी दे बच्चें दे आधार नामांकन लेई आंगनबाड़ी स्तर उप्पर Child Enrolment Lite Clint (CELC) ऑपरेटरें दी तैनाती दी जरूरतें उप्पर जोर दिता। उ'नें अस्पतालें च नवजात बच्चें दा जन्म पंजीकरण उप्पर आधारत आधार नामांकन करने दी जरूरतें पर बी जोर दिता। एदे इलावा तसील- ब्लाक ते पंचैत दफतरें च खास आधार कैंप लाने दे निर्देश दिते।

<><><><><><>